



DET KONGELEGE
JUSTIS- OG BEREDSKAPSDEPARTEMENT

Regionrådet Nordhordland
Postboks 13
5902 ISDALSTØ

Dykkar ref.

Vår ref.
17/3058

Dato
24.05.2017

Vedrørende klage frå Regionrådet Nordhordland over Politidirektoratet si avgjersle av 13. januar 2017 om endringar i den lokale strukturen i Vest politidistrikt

Justis- og beredskapsdepartementet viser til klage av 8. mars 2017 frå Regionrådet Nordhordland over Politidirektoratet si avgjersle av 13. januar 2017 om endringar i den lokale strukturen i Vest politidistrikt.

Politidirektoratet har i brev av 24. mars 2017 til Regionrådet Nordhordland, med kopi til Vest politidistrikt og Justis- og beredskapsdepartementet, avvist klagen og vist til *Forskrift om klageordning for kommuner som berøres av ny tjenestestedsstruktur i politi- og lensmannsetaten* av 22. juni 2016 § 3.

Politidirektoratet har vidare grunngjeve avvisinga med at klagen frå Regionrådet Nordhordland omhandlar forhold som ligg utanfor forskrifta sitt verkeområde.

I brev til Regionrådet Nordhordland av 24. mars 2017 har Politidirektoratet avvist klagen og vist til forskrifta § 3. Brevet vart sendt i kopi til Vest politidistrikt og Justis- og beredskapsdepartementet. Direktoratet har vidare opplyst at Regionrådet Nordhordland i brev av 8. mars 2017 fekk ein frist til 15. mars 2017 til å endra klagen, slik at vilkåra i § 3 kunne oppfyllest. Politidirektoratet har ikkje motteke nokon endra klage frå Regionrådet Nordhordland innan fristen som var satt opp. Avgjersla vart difor ståande.

Postadresse Kontoradresse Telefon - sentralbord Politiavdelinga
Postboks 8005 Dep Gullhaug Torg 4A 22 24 90 90
0030 Oslo 0484 Oslo Org.nr.: 972 417 831
0030 Oslo

Sakshandsamar
Jan Inge Helgheim
22 24 55 91
jan-inge.helgheim@jd.dep.no

I samband med klagen har Regionrådet Nordhordland mellom anna ført opp følgjande:

«Regionrådet meiner at Nordhordland må vera eigen GDE som sjølv prioriterer ressursar, som har administrative oppgåver og kapasitet, og som sjølv har ansvaret for at det er tilstrekkeleg vakt og patruljeberedskap i driftseininga - og som ikkje minst kan driva fram utviklingsarbeid og forvalta spesialkompetanse. Nordhordland må sjølv kunne handtere det største volumet av kriminalitetsutfordringar utan ressurstilførsel frå andre einingar i politidistriktet. Regionrådet meiner at lokal tilpassa leiing er grunnleggande i nærpolitireforma og heilt nødvendig for å oppretthalda lokalt tillit ute blant politiets eige personell og hos lokale styresmakter og folk flest. På den måten kan ressursane til politiet bli nytta på ein best mogeleg måte. Me får meir midlar til politiarbeid og mindre til rapportering og byråkrati.

Ei leiargruppe til politimeisteren slik den er føreslått, vert for «administrativ» og utan nok operative leiarar frå distrikta. Politileiarar som kan løfta inn distriktsmessige problemstillingar frå distrikta og frå dialog og samarbeid m.v. med kommunane (kommunal toppleiing og frå helse og brann/redning) er viktig for tilliten til politiet».

Departementet forstår det slik at klagegrunnane som er gjort gjeldande mellom anna gjeld organisering knytt til talet på geografiske driftseiningar i Vest politidistrikt. Dette fell utanfor denne klageordninga.

På denne bakgrunn er Justis- og beredskapsdepartementet samd i Politidirektoratet si vurdering om at klagen må avvisast.

Politidirektoratet si avgjersle om avvising av klagen frå Regionrådet Nordhordland av 8. mars 2017, jf. brev av 24. mars 2017, vert med dette stadfesta.

Ein kopi av dette brevet er sendt til Politidirektoratet til vitande.

Med venleg helsing

Thor Arne Aass
ekspedisjonssjef

Sven Olav Gunnerud
avdelingsdirektør

Kopi: Politidirektoratet

Dokumentet er godkjent og blir sendt utan signatur